

Brinckman, John: Pöppedeiken (1842)

1 Mareiken, Mareiken,
2 min lütt Pöppedeiken!
3 Min Höhning, min Henning,
4 min Tüterüterenning!
5 Du schast'n riken Schulten frin,
6 'n Kruskopp schall din Brüjam sin,
7 de halt di af to Pingsten
8 mit vier jung swartbrun Hingsten.

9 Mareiken, Mareiken,
10 min söt Pöppedeiken!
11 Min Seling, min Püting,
12 min Snippesnappesnüting!
13 Teihn blanke Bolten flässen Linn'
14 de lat ik di to Hochtitt spinn'
15 un föftig heeden Laken,
16 wenn wi den Flaß irst braken.

17 Mareiken, Mareiken,
18 min smuck Pöppedeiken!
19 Min Herzing, min Söting,
20 min Pitschepatschepöting!
21 Wen binnt din Hoor, wen winnt din Kron?
22 Je, dat schall Preestersmoder don
23 mit Gold un Sülwerfaden
24 un blanke Bäwernadeln.

(Textopus: Pöppedeiken. Abgerufen am 23.01.2026 von <https://www.textopus.de/poems/63411>)